

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

রবিবার, এপ্রিল ২৬, ২০১৫

নির্বাচন কমিশন
বাংলাদেশ
নির্বাচন কমিশন সচিবালয়
শেরে বাংলা নগর, ঢাকা
প্রজ্ঞাপন

তারিখ, ৮ বৈশাখ ১৪২২ বঙ্গাব্দ/২১ এপ্রিল ২০১৫ খ্রিস্টাব্দ

এস, আর, ও নং ৮৫-আইন/২০১৫।—স্থানীয় সরকার (ইউনিয়ন পরিষদ) আইন, ২০০৯ (২০০৯ সনের ৬১ নং আইন) এর ধারা ২০ এর উপ-ধারা (১) এ প্রদত্ত ক্ষমতাবলে নির্বাচন কমিশন নিম্নরূপ বিধিমালা প্রণয়ন করিল, যথা :—

১। সংক্ষিপ্ত শিরোনাম ও প্রবর্তন।—(১) এই বিধিমালা ইউনিয়ন পরিষদ নির্বাচন (ইলেক্ট্রনিক ভোটিং মেশিন) বিধিমালা, ২০১৫ নামে অভিহিত হইবে।

(২) ইহা অবিলম্বে কার্যকর হইবে।

২। সংজ্ঞা।—(১) বিষয় বা প্রসংগের পরিপন্থী কোন কিছু না থাকিলে, এই বিধিমালায়—

- (১) “আইন” অর্থ স্থানীয় সরকার (ইউনিয়ন পরিষদ) আইন, ২০০৯ (২০০৯ সনের ৬১ নং আইন);
- (২) “ইউনিয়ন পরিষদ” অর্থ আইনের ধারা ১০ এর অধীন গঠিত ইউনিয়ন পরিষদ;
- (৩) “ইভিএম (EVM)” অর্থ ভোটগ্রহণের জন্য ব্যবহৃত ইলেক্ট্রনিক ভোটিং মেশিন (Electronic Voting Machine);
- (৪) “কমিশন” অর্থ গণপ্রজাতন্ত্রী বাংলাদেশের সংবিধানের অনুচ্ছেদ ১১৮ এর অধীন প্রতিষ্ঠিত নির্বাচন কমিশন;

(২৯৩৯)

মূল্য : টাকা ২৪.০০

- (৫) “চেয়ারম্যান” অর্থ ইউনিয়ন পরিষদের চেয়ারম্যান;
- (৬) “নির্বাচন” অর্থ আইনের অধীন চেয়ারম্যান এবং সদস্য পদের প্রত্যক্ষ নির্বাচন;
- (৭) “নির্বাচনি এজেন্ট” অর্থ কোন প্রার্থী কর্তৃক নির্বাচন বিধিমালার বিধি ১৪ এর অধীন নিয়োগকৃত নির্বাচনি এজেন্ট;
- (৮) “নির্বাচনি এলাকা” অর্থ কোন চেয়ারম্যান, বা ক্ষেত্রমত, সদস্য পদে নির্বাচনের উদ্দেশ্যে সীমানা নির্ধারিত কোন এলাকা;
- (৯) “নির্বাচিত প্রার্থী” অর্থ এমন একজন প্রার্থী যাহাকে আইনের ধারা ১০ এর অধীন চেয়ারম্যান অথবা সদস্য হিসাবে নির্বাচিত হইয়াছেন মর্মে সরকারি গেজেটে প্রজ্ঞাপন দ্বারা ঘোষণা প্রদান করা হইয়াছে;
- (১০) “নির্বাচন বিধিমালা” অর্থ স্থানীয় সরকার (ইউনিয়ন পরিষদ) নির্বাচন বিধিমালা, ২০১০;
- (১১) “পোলিং অফিসার” অর্থ কোন ভোটকেন্দ্রে ভোটগ্রহণের উদ্দেশ্যে নির্বাচন বিধিমালার বিধি ৮ এর উপ-বিধি (৩) এর অধীন নিয়োগকৃত কোন পোলিং অফিসার;
- (১২) “পোলিং এজেন্ট” অর্থ কোন প্রার্থী কর্তৃক নির্বাচন বিধিমালার বিধি ২৫ এর অধীন নিয়োগকৃত পোলিং এজেন্ট;
- (১৩) “প্রতিদ্বন্দ্বী প্রার্থী” অর্থ এমন একজন প্রার্থী যিনি চেয়ারম্যান, অথবা সদস্য হিসাবে নির্বাচিত হইবার জন্য বৈধভাবে মনোনীত হইয়াছেন এবং যিনি তাহার প্রার্থিতা প্রত্যাহার করেন নাই;
- (১৪) “প্রিজাইডিং অফিসার” অর্থ কোন ভোটকেন্দ্রে ভোটগ্রহণের উদ্দেশ্যে নির্বাচন বিধিমালার বিধি ৮ এর অধীন নিয়োগকৃত প্রিজাইডিং অফিসার এবং প্রিজাইডিং অফিসারের দায়িত্ব পালন ও ক্ষমতা প্রয়োগকারী কোন সহকারী প্রিজাইডিং অফিসারও ইহার অন্তর্ভুক্ত হইবে;
- (১৫) “ফরম” অর্থ বিধিমালার ফরম;
- (১৬) “ভোটগ্রহণের তারিখ” অর্থ নির্বাচন অনুষ্ঠানের জন্য নির্বাচন বিধিমালার বিধি ১০ এর অধীন নির্ধারিত ভোটগ্রহণের তারিখ;
- (১৭) “ভোটার তালিকা” অর্থ ভোটার তালিকা আইন, ২০০৯ (২০০৯ সনের ৬নং আইন) এর ধারা ৭ এর অধীন প্রণীত ভোটার তালিকা;
- (১৮) “রিটার্নিং অফিসার” অর্থ নির্বাচন বিধিমালার বিধি ৫ এর অধীন নিযুক্ত একজন রিটার্নিং অফিসার এবং রিটার্নিং অফিসারের দায়িত্ব পালন ও ক্ষমতা প্রয়োগকারী কোন সহকারী রিটার্নিং অফিসারও ইহার অন্তর্ভুক্ত হইবে;
- (১৯) “সদস্য” অর্থ ইউনিয়ন পরিষদের সদস্য;

(২০) “সংরক্ষিত আসন” অর্থ আইনের ধারা ১০ এর উপ-ধারা (৩) এ বর্ণিত মহিলাদের জন্য সংরক্ষিত আসন; এবং

(২১) “সাধারণ আসন” অর্থ সংরক্ষিত আসন ব্যতীত, আইনের ধারা ১০ এর উপ-ধারা (১) এ উল্লিখিত সাধারণ আসন।

(২) এই বিধিমালায় ব্যবহৃত যে সকল শব্দ বা অভিব্যক্তির সংজ্ঞা দেওয়া হয় নাই, সে সকল শব্দ বা অভিব্যক্তি আইনে যে অর্থে ব্যবহৃত হইয়াছে সেই অর্থে প্রযোজ্য হইবে।

৩। ইভিএম এর মাধ্যমে ভোট গ্রহণ।—চেয়ারম্যান ও সদস্য পদের নির্বাচনে গোপন ব্যালট বা, ক্ষেত্রমত, ইভিএম এর মাধ্যমে ভোট গ্রহণ করা যাইবে।

৪। রিটার্নিং অফিসারের নিকট ইভিএম প্রেরণ।—(১) নির্বাচনের ভোটগ্রহণের পূর্বে কমিশন হইতে রিটার্নিং অফিসারকে নির্বাচনি দ্রব্যাদি সরবরাহের প্রাক্কালে ইভিএম এর কন্ট্রোল ইউনিট ও ব্যালট ইউনিটে উল্লিখিত নম্বর একটি রেজিস্টারে সংরক্ষণপূর্বক নিম্নবর্ণিত দ্রব্যাদি হস্তান্তর করা হইবে, যথা:—

- (ক) নির্দিষ্ট সংখ্যক সিল করা ইভিএম;
- (খ) নির্দিষ্ট সংখ্যক সিল করা স্মার্ট কার্ড ও মাস্টার কার্ড; এবং
- (গ) ভোটার তালিকা।

(২) রিটার্নিং অফিসার ইভিএমসমূহ নিরাপত্তার সাথে সহকারী রিটার্নিং অফিসারের নিকট প্রেরণ করিবেন এবং সহকারী রিটার্নিং অফিসার উল্লিখিত দ্রব্যাদি নিরাপদ হেফাজতে রাখিবেন।

৫। প্রিজাইডিং অফিসারের নিকট ইভিএম প্রেরণ।—(১) ভোটগ্রহণের পূর্বে সহকারী রিটার্নিং অফিসার প্রয়োজনীয় ফরম, প্যাকেট ও নির্বাচন সামগ্রী এবং উহার সাথে একটি রেজিস্টারে ইভিএম এর কন্ট্রোল ইউনিট ও ব্যালট ইউনিটে উল্লিখিত নম্বর সংরক্ষণপূর্বক নিম্নবর্ণিত দ্রব্যাদি প্রিজাইডিং অফিসার এর নিকট হস্তান্তর করিবেন, যথা:—

- (ক) নির্দিষ্ট সংখ্যক সিল করা ইভিএম;
- (খ) নির্দিষ্ট সংখ্যক সিল করা স্মার্ট কার্ড ও মাস্টার কার্ড; এবং
- (গ) ভোটার তালিকা।

(২) প্রিজাইডিং অফিসার ভোটগ্রহণের পূর্বে ভোটকক্ষে ব্যবহৃত কন্ট্রোল ইউনিট ও ব্যালট ইউনিট প্রতিদ্বন্দ্বী প্রার্থী বা তাহার এজেন্টের সম্মুখে প্রদর্শন করিবেন এবং ব্যালট ইউনিটে নিম্নবর্ণিত বিষয়গুলি সন্নিবেশিত আছে মর্মে নিশ্চিত করিবেন, যথা:—

- (ক) ক্রমিক নম্বর; এবং
- (খ) বরাদ্দকৃত প্রতীক।

(৩) প্রিজাইডিং অফিসার 'ফরম-ক' অনুযায়ী রেকর্ড সংরক্ষণপূর্বক প্রত্যেক ভোটকক্ষের সহকারী প্রিজাইডিং অফিসারকে প্রয়োজনীয় সংখ্যক ইভিএম বুঝাইয়া দিবেন এবং ভোটগ্রহণ শেষে সংরক্ষিত রেকর্ড সম্বলিত উক্ত ফরমটি অন্যান্য ফরম ও প্যাকেটের সহিত বস্তাভর্তি করিয়া রিটার্নিং অফিসারের নিকট জমা দিবেন।

৬। সহকারী প্রিজাইডিং অফিসারের করণীয়।—(১) সহকারী প্রিজাইডিং অফিসার কন্ট্রোল ইউনিট ও ব্যালট ইউনিট সংযুক্ত করিয়া মেশিনের সুইচ অন করিবেন এবং সরবরাহকৃত স্মার্ট কার্ডটি কন্ট্রোল ইউনিটের নির্দিষ্ট জায়গায় সঠিক পন্থায় প্রবেশ করাইয়া ইভিএমটি চালু করিবেন।

(২) সহকারী প্রিজাইডিং অফিসার ভোটগ্রহণ শুরু পূর্বে পোলিং এজেন্টদের উপ-বিধি (১) এ বর্ণিত বিষয়াদি প্রদর্শন করিবেন এবং কন্ট্রোল ইউনিটের মেসেজ ডিসপ্লেয় নীচে বাম কোণায় "Demo" লেখা ও "Total Vote" এর মান শূন্য দেখাইয়া এই মর্মে নিশ্চিত করিবেন যে, উহা "ডেমো মোড" এ রহিয়াছে এবং ইভিএমটিতে ইতিপূর্বে কোন ভোট প্রদান করা হয় নাই।

(৩) ভোটগ্রহণ শুরুর পূর্বে প্রত্যেক সহকারী প্রিজাইডিং অফিসার উপ-বিধি (১) ও (২) এ বর্ণিত বিষয়াদি উল্লেখপূর্বক 'ফরম-খ' অনুযায়ী সংশ্লিষ্ট প্রিজাইডিং অফিসারকে একটি প্রত্যয়নপত্র প্রদান করিবেন এবং প্রিজাইডিং অফিসার প্রত্যয়নপত্রটি অন্যান্য ফরম ও প্যাকেটের সহিত বস্তাভর্তি করিয়া রিটার্নিং অফিসারের নিকট জমা দিবেন।

৭। সহকারী প্রিজাইডিং অফিসার কর্তৃক ডেমো ভোটগ্রহণ।—(১) ভোটদান পর্ব শুরুর পূর্বে উপস্থিত প্রার্থী, নির্বাচনি এজেন্ট এবং পোলিং এজেন্টগণ ডেমো ভোট দিয়া মেশিনটি কার্যকারিতা ও নিরপেক্ষতা যাচাই করিয়া দেখিতে পারিবেন।

(২) ডেমো ভোটিং শুরুর পূর্বে সহকারী প্রিজাইডিং অফিসার স্মার্ট কার্ড প্রবেশ করানো অবস্থায় "ক্লিয়ার মেমোরি" সুইচটি চাপিয়া মেসেজ ডিসপ্লে ও কাউন্ট ডিসপ্লেতে ভোট সংখ্যা শূন্য কি-না নিশ্চিত হইবেন এবং অতঃপর সহকারী প্রিজাইডিং অফিসার কন্ট্রোল ইউনিটের "ব্যালট" বাটনে চাপ দিয়া ব্যালট ইউনিটটিকে কার্যকর করিবেন এবং এক বা একাধিক ভোটারকে ডামি ভোট প্রদান করিবার জন্য আহ্বান করিবেন।

(৩) ডামি ভোটার ব্যালট ইউনিটে তাহার পছন্দনীয় প্রার্থী বা প্রার্থীদেরকে ভোট দিবেন এবং তিনি যাহাকে বা যাহাদেরকে ভোট দিলেন উহা একটি কাগজে লিপিবদ্ধ করিবেন।

(৪) উপ-বিধি (৩) অনুযায়ী এক বা একাধিক ডামি ভোট প্রদানের পর "ডেমো রেজাল্ট" সুইচ চাপিয়া ভোটগ্রহণ তাহাদের ডামি ভোট পরীক্ষা করিয়া দেখিতে পারিবেন :

তবে শর্ত থাকে যে, ডামি ভোট ৫ (পাঁচ) টির অধিক প্রদান করা যাইবে না।

(৫) উপ-বিধি (৩) এ বর্ণিত ডামি ভোট পরীক্ষা করিবার পর সন্তুষ্ট হইলে সহকারী প্রিজাইডিং অফিসার "ক্লিয়ার মেমোরি" সুইচে চাপ দিয়া ইভিএম এর ডামি ভোটের তথ্য মুছিয়া ফেলিবেন এবং ভোট সংখ্যা শূন্য করিয়া উপস্থিত পোলিং এজেন্টকে দেখাইয়া ইভিএমটিকে ভোটগ্রহণের উপযোগী করিবেন।

৮। ভোটগ্রহণের জন্য প্রস্তুতি।—(১) কেন্দ্রের ভোটগ্রহণের জন্য সহকারী প্রিজাইডিং অফিসার ইভিএম এর কন্ট্রোল ইউনিটের নির্ধারিত স্থানে তাহার মাস্টার কার্ডটি সঠিক পন্থায় প্রবেশ করাইবেন।

(২) উপ-বিধি (১) অনুসারে মাস্টার কার্ড প্রবেশ করাইবার পর কন্ট্রোল ইউনিটের “স্টার্ট” বাটনের সিল খুলিয়া উহা চাপিবার পর মেশিনটি ভোটগ্রহণের জন্য প্রস্তুত হইবে এবং সহকারী প্রিজাইডিং অফিসার কন্ট্রোল ইউনিটের মেসেজ ডিসপ্লের নীচে বাম কোণায় Real লেখা দেখিয়া নিশ্চিত হইবেন, একইসাথে মেসেজ ডিসপ্লের নীচে ডান কোণায় এবং কাউন্ট ডিসপ্লিতে শূন্য (০) প্রদর্শিত হইবে।

(৩) কাউন্ট ডিসপ্লিতে শূন্য (০) প্রদর্শিত হইবার পর মাস্টার কার্ডটি বাহির করিয়া সহকারী প্রিজাইডিং অফিসার স্মার্ট কার্ডটি পুনরায় প্রবেশ করাইবেন এবং ভোটগ্রহণ শুরু করিবেন।

(৪) কন্ট্রোল ইউনিটটি উল্লিখিত পদ্ধতিতে প্রস্তুত করিয়া এমন স্থানে রাখিতে হইবে যাহাতে উহা সকলে দেখিতে পান।

৯। ভোটারের পরিচয় নিশ্চিতকরণ।—কোন ভোটার ভোট প্রদানের জন্য ভোটক্ষেত্রে উপস্থিত হইবার পর, ভোট প্রদানের পূর্বে তাহাকে—

- (ক) ভোটার তালিকায় লিপিবদ্ধ তাহার ক্রমিক নম্বর ও নাম তাহার বর্ণনা অনুযায়ী মিলাইয়া দেখিতে হইবে;
- (খ) ছবিসহ ভোটার তালিকার ছবির সহিত তাহার চেহারা মিলাইয়া দেখিতে হইবে; এবং
- (গ) প্রয়োজনে তাহার পিতা বা স্বামীর নাম (বিবাহিত মহিলার ক্ষেত্রে) মাতার নাম, ঠিকানা, পেশা, জন্ম তারিখ ইত্যাদি ভোটার তালিকার সহিত মিলাইয়া তাহার পরিচিতি সম্পর্কে নিশ্চিত হইতে হইবে।

১০। ভোট প্রদানের স্থান ও ভোটার কর্তৃক প্রদেয় ভোট সংখ্যা।—একজন ব্যক্তি যেই ওয়ার্ডের ভোটার, তিনি কেবল সেই ওয়ার্ডের জন্য নির্ধারিত ভোটক্ষেত্রে নিম্নবর্ণিত সংখ্যক ভোট প্রদান করিতে পারিবেন, যথাঃ—

- (ক) চেয়ারম্যান নির্বাচনের উদ্দেশ্যে যে কোন একজন প্রতিদ্বন্দ্বী প্রার্থীকে একটি ভোট;
- (খ) সাধারণ আসনে সদস্য নির্বাচনের উদ্দেশ্যে যে কোন একজন প্রতিদ্বন্দ্বী প্রার্থীকে একটি ভোট; এবং
- (গ) সংরক্ষিত আসনের সদস্য নির্বাচনের উদ্দেশ্যে যে কোন একজন প্রতিদ্বন্দ্বী প্রার্থীকে একটি ভোট।

১১। ভোটদান পদ্ধতি।—(১) ভোটারকে ভোট প্রদানের সুযোগ দেওয়ার অব্যবহিত পূর্ব মুহূর্তে ভোটক্ষেত্রে ব্যবহৃত ভোটার তালিকায় ভোটারের ক্রমিক নম্বর ও নাম চিহ্নিত করিয়া ডাকিতে হইবে।

(২) বিধি ৯ এ উল্লিখিত পদ্ধতিতে ভোটারের পরিচিতি সম্পর্কে নিশ্চিত হইবার পর তাহার হাতের বৃদ্ধাঙ্গুলিতে বা অন্য কোন অঙ্গুলিতে নখ ও চামড়ার সংযোগ স্থলে অমোচনীয় কালি দ্বারা চিহ্ন প্রদান করিতে হইবে।

(৩) ভোটার তালিকায় ভোটারের নাম ও ক্রমিকের পার্শ্বে তাহার স্বাক্ষর বা টিপসহি নিতে হইবে।

(৪) সহকারী প্রিজাইডিং অফিসার কন্ট্রোল ইউনিটের “ব্যালট” সুইচটি চাপ দিয়া ভোটারকে ভোট প্রদানের জন্য গোপন কক্ষে পাঠাইবেন।

(৫) গোপন কক্ষে প্রবেশের পর ভোটার যে প্রতিদ্বন্দ্বী প্রার্থীকে ভোট প্রদান করিতে চাহেন, সেই প্রতিদ্বন্দ্বী প্রার্থীর নাম ও প্রতীকের পার্শ্বে সুইচ চাপিবেন।

(৬) সুইচ চাপ দেওয়ার পর ভোটার যদি দেখেন যে, সুইচের পার্শ্বে বাতিটি জ্বলে নাই বা কোন শব্দ উচ্চারিত হয় নাই, তাহা হইলে তাহাকে বুঝিতে হইবে যে, ভোট প্রদান যথাযথ হয় নাই বা প্রদত্ত ভোট কোন প্রার্থীর পক্ষে যোগ হয় নাই এবং সেইক্ষেত্রে তাহাকে পুনরায় সঠিকভাবে সুইচ চাপিয়া ভোট প্রদান করিতে হইবে।

(৭) কোন ভোটার ভুলবশতঃ ভোট প্রদান না করিয়া গোপন কক্ষ হইতে বাহির হইয়া আসিলে সহকারী প্রিজাইডিং অফিসার সংশ্লিষ্ট ভোটারকে ভোট প্রদান করিবার জন্য পুনরায় গোপন কক্ষে পাঠাইবেন।

(৮) কোন ভোটার ভোট প্রদান অসম্পূর্ণ রাখিয়া গোপন কক্ষ হইতে বাহির হইয়া আসিলে সহকারী প্রিজাইডিং অফিসার পোলিং এজেন্টগণকে উক্ত বিষয়টি অবহিত করিয়া সংশ্লিষ্ট ভোটারকে গোপন কক্ষে প্রবেশ করিয়া “ফাইনাল” নামক বড় সুইচটি চাপিয়া আসিতে পুনরায় নির্দেশ দিবেন।

১২। অক্ষ বা অক্ষম ভোটারের ভোট প্রদান।—কোন ভোটার যদি দৃষ্টি-প্রতিবন্ধী অথবা অন্য কোন কারণে এমনভাবে অক্ষম হন যে, তিনি অন্য কোন ব্যক্তির সহায়তা ব্যতিরেকে ভোট প্রদান করিতে পারিবেন না, তাহা হইলে প্রিজাইডিং অফিসার তাহাকে তাহার পছন্দের কোন ব্যক্তির সহায়তা গ্রহণের অনুমতি প্রদান করিবেন এবং সংশ্লিষ্ট ভোটার উক্ত সহায়তা প্রদানকারী ব্যক্তির সাহায্যে ভোট প্রদান করিবেন।

১৩। প্রিজাইডিং অফিসারের নিয়ন্ত্রণ বহির্ভূত পরিস্থিতিতে ভোট গ্রহণ প্রক্রিয়া, ইত্যাদি।—(১) অবৈধ উপায়ে ভোট প্রদানের নিমিত্তে বা অনুরূপ কোন উদ্দেশ্যে কোন ভাবে কোন ভোটকেন্দ্র আক্রান্ত হইলে সহকারী প্রিজাইডিং অফিসার কন্ট্রোল ইউনিটের “ক্লোজ” সুইচ এর সিল খুলিয়া উহা চাপিয়া দিবেন, যাহাতে আক্রমণকারীগণ ইভিএম নিজ দখলে নিলেও উক্ত মেশিনে কোন ভোট প্রদান করিতে সক্ষম না হন।

(২) উপ-বিধি (১) এ বর্ণিত ভোটকেন্দ্র আক্রমণকারীদের নিকট হইতে দখলমুক্ত করা সম্ভব হইলে প্রিজাইডিং অফিসার রিটার্নিং অফিসারকে সার্বিক পরিস্থিতি অবহিত করিয়া একটি নতুন ইভিএম দ্বারা পুনরায় ভোট গ্রহণ শুরু করিবেন এবং পূর্বের মেশিনের সাথে পরের মেশিনের ভোট যোগ করিয়া উক্ত ভোটকক্ষের ফলাফল প্রস্তুত করিবেন।

(৩) যান্ত্রিক গোলযোগের জন্য যদি কোন ইভিএম-এ ভোট গ্রহণ করা সম্ভব না হয়, সেইক্ষেত্রে সহকারী প্রিজাইডিং অফিসার উহা প্রিজাইডিং অফিসারকে অবহিত করিবেন এবং প্রিজাইডিং অফিসার সংশ্লিষ্ট রিটার্নিং অফিসারের অনুমতি গ্রহণপূর্বক কেন্দ্রে সংরক্ষিত ব্যাকআপ ইভিএম অবশিষ্ট ভোট গ্রহণের নিমিত্তে সহকারী প্রিজাইডিং অফিসারকে হস্তান্তর করিবেন, সহকারী প্রিজাইডিং অফিসার পূর্বের ন্যায় পুনরায় ভোট গ্রহণ শুরু করিবেন এবং পূর্বের ও পরের উভয় মেশিনের ভোট যোগ করিয়া উক্ত ভোট কক্ষের ফলাফল প্রস্তুত করিবেন।

(৪) কোন ভোটকেন্দ্রের ভোট গ্রহণ বন্ধ করিয়া প্রিজাইডিং অফিসার উহা রিটার্নিং অফিসারকে অবগত করিবেন, যদি—

- (ক) প্রিজাইডিং অফিসারের নিয়ন্ত্রণ বহির্ভূত কোন কারণে ভোট গ্রহণ এমনভাবে বাধাগ্রস্ত বা ব্যাহত হয় যে, উহা ধার্যকৃত ভোট গ্রহণের সময়ে পুনরায় আরম্ভ করা সম্ভব নহে; বা
- (খ) ভোটকেন্দ্রে ব্যবহৃত কোন ইভিএম প্রিজাইডিং অফিসার বা সহকারী প্রিজাইডিং অফিসারের হেফাজত হইতে বেআইনীভাবে অপসারণ করা হইলে বা দুর্ঘটনাক্রমে ক্ষতিগ্রস্ত হইলে বা ইচ্ছাকৃতভাবে নষ্ট করা হইলে বা হারাইয়া গেলে বা এই পরিমাণ হস্তক্ষেপ করা হইয়াছে যে, সেই ভোটকেন্দ্রের ভোটের ফলাফল নির্ধারণ করা যাইবে না।

(৫) উপ-বিধি (৪) এর অধীন ভোট গ্রহণ বন্ধ করিয়া দেওয়া হইলে, রিটার্নিং অফিসার অবিলম্বে উক্ত ঘটনা সম্পর্কে কমিশনকে অবহিত করিবেন এবং কমিশন উক্ত ভোটকেন্দ্রে নূতনভাবে ভোট গ্রহণের নির্দেশ দিবেন, যদি না কমিশন এই মর্মে সন্তুষ্ট হয় যে, একই নির্বাচনি এলাকার অন্যান্য ভোটকেন্দ্রের ভোটের ফলাফলের দ্বারা ভোটকেন্দ্রটির নির্বাচনের ফলাফল নির্ধারিত হইয়া গিয়াছে।

(৬) উপ-বিধি (৫) এর অধীন কমিশন কর্তৃক পুনরায় ভোট গ্রহণের আদেশ প্রদান করা হইলে রিটার্নিং অফিসার, কমিশনের অনুমোদনক্রমে,—

- (ক) নূতন ভোট গ্রহণের জন্য একটি তারিখ নির্ধারণ করিবেন এবং কোন্ স্থান ও কোন্ সময়ের মধ্যে এইরূপ নূতন ভোট গ্রহণ করা হইবে, তাহা স্থির করিবেন; এবং
- (খ) দফা (ক) অনুসারে নির্ধারিত তারিখ এবং স্থিরকৃত স্থান ও সময় সম্পর্কে গণ-বিজ্ঞপ্তি জারি করিবেন।

(৭) উপ-বিধি (৬) এর অধীন নূতন ভোট প্রদানের ক্ষেত্রে, সকল ভোটারের ভোট প্রদানের সুযোগ থাকিবে এবং নূতন ভোট প্রদানের ক্ষেত্রে এই বিধিমালার বিধানাবলী একইরূপে প্রযোজ্য হইবে।

(৮) উপ-বিধি (৬) এর অধীন নূতন ভোট গণনার ক্ষেত্রে উপ-বিধি (৪) এর অধীন বন্ধকৃত ভোটের সময় প্রদত্ত কোন ভোট গণনা করা যাইবে না।

১৪। ভোট গ্রহণ শেষে সহকারী প্রিজাইডিং অফিসারের দায়িত্ব।—(১) সহকারী প্রিজাইডিং অফিসার ভোট গ্রহণ শেষে পোলিং এজেন্টদের (যদি উপস্থিত থাকেন) সম্মুখে সিল খুলিয়া ‘ক্লোজ’ সুইচটি চাপিবেন, যাহার ফলে উক্ত ইভিএম-এ আর কোন ভোট গৃহীত হইবে না।

(২) সহকারী প্রিজাইডিং অফিসার উপ-বিধি (১) অনুসারে ক্লোজ করা ইভিএম এবং স্মার্ট কার্ড প্রিজাইডিং অফিসারের নিকট হস্তান্তর করিবেন।

১৫। ভোট গণনা ও প্রদর্শন।—(১) ভোট গণনার ক্ষেত্রে প্রিজাইডিং অফিসারের দায়িত্ব ও কর্তব্য হইবে নিম্নরূপ, যথাঃ—

- (ক) তিনি প্রত্যেক সহকারী প্রিজাইডিং অফিসারের নিকট হইতে প্রাপ্ত ইভিএমসমূহ একত্রিত করিবেন;
- (খ) তিনি একটি কক্ষে পোলিং এজেন্ট এবং বিধিগতভাবে অনুমতিপ্রাপ্ত ব্যক্তিবর্গের সম্মুখে পর্যায়ক্রমে প্রতিটি কন্ট্রোল ইউনিট এবং “ফাইনাল রেজাল্ট” সুইচটির সিল খুলিবেন;
- (গ) তিনি কন্ট্রোল ইউনিটে স্মার্ট কার্ড অথবা মাস্টার কার্ড প্রবেশ করাইয়া “ফাইনাল রেজাল্ট” সুইচটি চাপিবেন, যাহার ফলে ডিসপ্লিতে কোন প্রার্থী কত ভোট পাইয়াছেন তাহা প্রদর্শিত হইবে।

(২) উপ-বিধি (১) এর দফা (গ) এ উল্লিখিত “ফাইনাল রেজাল্ট” সুইচটি প্রয়োজনবোধে পুনরায় চাপিয়া ফলাফল একাধিকবার দেখা যাইবে।

(৩) মাস্টার কার্ড অথবা স্মার্ট কার্ড ছাড়া অন্য কোন কার্ড দ্বারা ফলাফল প্রদর্শন করা যাইবে না।

(৪) একের পর এক ইভিএমসমূহ হইতে ফলাফল প্রদর্শন করা যাইবে।

১৬। কেন্দ্রভিত্তিক ফলাফল প্রস্তুত, প্রেরণ ইত্যাদি।—কেন্দ্রভিত্তিক ফলাফল প্রস্তুত ও প্রেরণের ক্ষেত্রে প্রিজাইডিং অফিসারের দায়িত্ব ও কর্তব্য হইবে নিম্নরূপ, যথাঃ—

- (ক) প্রতিটি ভোটকক্ষের প্রাপ্ত ফলাফল বিবরণী ফরম-গ, গ-১ ও গ-২ অনুসারে লিপিবদ্ধ করা এবং প্রাপ্ত ফলাফল বিবরণী ফরম-ঘ, ঘ-১ ও ঘ-২-তে যথাক্রমে চেয়ারম্যান, সংরক্ষিত আসনের সদস্য এবং সাধারণ আসনের সদস্য পদের জন্য লিপিবদ্ধপূর্বক নির্ধারিত স্থানে স্বীয় স্বাক্ষর প্রদান করা এবং উপস্থিত পোলিং এজেন্টদের স্বাক্ষর গ্রহণ করা;
- (খ) কেন্দ্রভিত্তিক ভোটের ফলাফল সম্বলিত ফরমের প্রয়োজনীয় সংখ্যক কপি তৈরি করিয়া একটি করিয়া কপি যথাক্রমে—
 - (অ) রিটার্নিং অফিসারের নিকট জমা দেওয়া;
 - (আ) ভোটকেন্দ্রের বাহিরে দর্শনীয় স্থানে টাঙ্গাইয়া দেওয়া;

- (ই) বিশেষ খামে ডাকযোগে কমিশন সচিবালয়ে প্রেরণ করা;
- (ঈ) ইভিএম এর কন্ট্রোল ইউনিটের বাস্কে রাখা; এবং
- (উ) নিজের কাছে রাখা।

(গ) দফা (খ) এ উল্লিখিত স্থানে কপি জমা, প্রেরণ, ইত্যাদির পর উপস্থিত প্রতিদ্বন্দ্বী প্রার্থীদের এজেন্টদের মধ্যে প্রয়োজনীয় সংখ্যক কপি বিতরণ করা।

১৭। ফলাফল একত্রীকরণ, নির্বাচিত প্রার্থীর নাম ঘোষণা, তালিকা প্রস্তুত এবং উহার সত্যায়িত কপি সরবরাহ, ইত্যাদি।—রিটার্নিং অফিসার—

- (ক) বিভিন্ন ভোটকেন্দ্র হইতে বিধি ১৬ এর দফা (খ) এ উল্লিখিত ভোট গণনার বিবরণী বা বিধি ১৩ এর উপ-বিধি (৫) এর অধীন পুনঃ ভোট গ্রহণের ফলাফল প্রাপ্ত হইবার পর, তদকর্তৃক নির্ধারিত সময়ে, প্রতিদ্বন্দ্বী প্রার্থীগণের কিংবা তাহাদের নির্বাচনি এজেন্ট বা পোলিং এজেন্টগণের উপস্থিতিতে, প্রত্যেক প্রতিদ্বন্দ্বী প্রার্থীর অনুকূলে প্রদত্ত ভোটসমূহ ফরম 'ঙ', 'ঙ-১', ও 'ঙ-২' তে যথাক্রমে চেয়ারম্যান, সংরক্ষিত আসনের সদস্য ও সাধারণ আসনের সদস্য পদের জন্য একীভূত করিবেন, এবং যে প্রার্থীর অনুকূলে সর্বাধিক সংখ্যক ভোট প্রদত্ত হইয়াছে তাহাকে নির্বাচিত ঘোষণা করিবেন;
- (খ) দফা (ক) এর অধীন গণনার ফলাফল প্রাপ্তির পর উহা গণ-বিজ্ঞপ্তির মাধ্যমে প্রকাশ করিবেন যাহাতে প্রত্যেক প্রতিদ্বন্দ্বী প্রার্থীর নাম ও দফা (ক) এর অধীন একত্রীকরণের ফলে প্রাপ্ত মোট ভোটের সংখ্যা সুস্পষ্টভাবে অংকে ও কথায় উল্লেখ করিতে হইবে;
- (গ) দফা (খ) এর অধীন গণ-বিজ্ঞপ্তি প্রকাশিত হইবার পর অবিলম্বে কমিশনের নিকট নির্ধারিত ফরমে, একত্রীকরণ বিবরণীসহ নির্বাচিত প্রার্থীদের একটি তালিকা দাখিল করিবেন;
- (ঘ) নির্ধারিত পদ্ধতিতে একত্রীকরণ বিবরণী এবং নির্বাচিত প্রার্থীদের তালিকা প্রস্তুত করিবার পর, অবিলম্বে যে সকল প্যাকেট ও বিবরণী ফলাফল একত্রীকরণের জন্য খোলা হইয়াছিল সেইগুলিকে পুনরায় ভর্তি করিয়া সিলমোহর করিবেন এবং উপস্থিত প্রার্থী ও তাহাদের নির্বাচনি এজেন্টগণকে, তাহারা ইচ্ছা করিলে অনুরূপ প্যাকেটগুলিতে তাহাদের দস্তখত ও সিলমোহর প্রদানের জন্য অনুমতি দিবেন;
- (ঙ) কোন প্রতিদ্বন্দ্বী প্রার্থী বা তাহার নির্বাচনি এজেন্ট বা পোলিং এজেন্টগণের মধ্যে, যাহারা একত্রীকরণ বিবরণী ও নির্বাচিত প্রার্থীদের তালিকা পাইতে ইচ্ছুক তাহাদিগকে—
(অ) চেয়ারম্যান নির্বাচনের ক্ষেত্রে ফরম 'ঙ';

(আ) সংরক্ষিত আসনের সদস্য নির্বাচনের ক্ষেত্রে ফরম 'ঙ-১'; এবং

(ই) সাধারণ আসনের সদস্য নির্বাচনের ক্ষেত্রে ফরম 'ঙ-২'—

এ একীভূত ভোট গণনার বিবরণী ও নির্বাচিত প্রার্থীদের তালিকার সত্যায়িত কপি সরবরাহ করিবেন।

১৮। ভোট গণনার পর ইভিএম পুনঃ সিলকরণ।—ভোট গণনা শেষে ফলাফল ঘোষণার পর সহকারী প্রিজাইডিং অফিসার কন্ট্রোল ইউনিটটিকে ধারণকারী বাস্তব প্রবেশ করাওয়া উহাতে প্রিজাইডিং অফিসার ও প্রার্থীগণ বা প্রার্থীগণের মনোনীত এজেন্ট কর্তৃক স্বাক্ষর সম্বলিত কাগজসহ কমিশন কর্তৃক সরবরাহকৃত গোপন সিল দ্বারা সিল করিবেন।

১৯। ব্যবহৃত ইভিএম সংরক্ষণ ও পুনঃ ব্যবহার।—নির্বাচনি ফলাফল ঘোষণা শেষে ইভিএম এর কন্ট্রোল ইউনিট সিল করিবার পর প্রিজাইডিং অফিসার সিলগালাকৃত কন্ট্রোল ইউনিট বা ইউনিটসমূহ পৃথকভাবে এবং ভোটকেন্দ্র ভিত্তিক ফলাফল ও অন্যান্য কাগজপত্র ব্যাগের ভিতর ঢুকাইয়া উক্ত ব্যাগ সিলগালা করতঃ উহা রিটার্নিং অফিসার বরাবর সংরক্ষণের জন্য প্রেরণ করিবেন এবং উক্ত ইভিএমসমূহ মামলা বা অন্য কোন কারণে সংরক্ষণ করিবার প্রয়োজন না হইলে ৩০(ত্রিশ) দিন পর উহা নির্বাচনের জন্য পুনরায় ব্যবহার উপযোগী করা যাইবে।

২০। বেআইনী কার্যকলাপ ও শাস্তি।—(১) কোন ব্যক্তি বেআইনী কার্যকলাপের দায়ে দোষী হইবেন, যদি তিনি—

- (ক) ভোটদানের যোগ্য না হওয়া সত্ত্বেও, কোন নির্বাচনে ইভিএম এর মাধ্যমে ভোটদান করেন বা ভোটদান করিতে চাহেন; বা
- (খ) ভোটগ্রহণ চলাকালে ইভিএম বা ইভিএম এর কোন অংশ যথাস্থান হইতে সরাইয়া ফেলেন বা সংযোগ বিচ্ছিন্ন করেন; বা
- (গ) জ্ঞাতসারে কোন ব্যক্তিকে দফা (ক) ও (খ) তে বর্ণিত যে কোন কাজ করিতে প্ররোচিত বা বাধ্য করেন।

(২) কোন ব্যক্তি উপ-বিধি (১) এ বর্ণিত কার্যকলাপের দায়ে দোষী সাব্যস্ত হইলে তিনি অনূন ৩(তিন) বৎসর কারাদণ্ড অথবা অনধিক ১০(দশ হাজার) টাকা অর্থদণ্ড বা উভয়দণ্ডে দণ্ডিত হইবেন।

২১। ইভিএম বিকৃত বা নষ্ট করিবার শাস্তি।—(১) রিটার্নিং অফিসার, সহকারী রিটার্নিং অফিসার, প্রিজাইডিং অফিসার, সহকারী প্রিজাইডিং অফিসার বা নির্বাচন সংক্রান্ত দায়িত্ব পালনরত অন্য কোন কর্মকর্তা বা কর্মচারী অথবা অন্য কোন ব্যক্তি অনূন ৩(তিন) বৎসর কারাদণ্ড অথবা অনধিক ১০(দশ হাজার) টাকা অর্থদণ্ড বা উভয় দণ্ডে দণ্ডিত হইবেন, যদি তিনি—

- (ক) কোন ইভিএম এর সফটওয়্যার বা কাস্টমাইজেশন ইচ্ছাকৃতভাবে বিকৃত বা বিনষ্ট করেন;
- (খ) কোন ইভিএম এর সিলমোহর ইচ্ছাকৃতভাবে বিকৃত বা বিনষ্ট করেন;

- (গ) ভোটকেন্দ্র হইতে কোন ইভিএম বা উহার অংশ বা স্মার্ট কার্ড বা মাস্টার কার্ড ছিনাইয়া লইয়া যান, অথবা;
- (ঘ) যথাযথ কর্তৃত্ব ব্যতীত—
- (অ) কোন ব্যক্তিকে ইভিএম এর মাধ্যমে ভোট প্রদানে সাহায্য করেন;
- (আ) নির্বাচনের উদ্দেশ্যে ব্যবহৃত হইতেছে এইরূপ কোন কন্ট্রোল ইউনিট বা ব্যালট ইউনিট নষ্ট করেন, গ্রহণ করেন, খোলেন বা অন্য কোনভাবে হস্তক্ষেপ করেন; বা
- (ই) এই বিধিমালার বিধান অনুযায়ী কৃত কোন সিল ভাঙ্গেন;
- (ঙ) ভোট গ্রহণ সমাপ্ত হইবার পর অবিলম্বে অনুসরণীয় পরবর্তী প্রয়োজনীয় কার্যক্রম আরম্ভ করিতে, পরিচালনা করিতে বা সমাপ্ত করিতে বিলম্ব ঘটান বা বাধার সৃষ্টি করেন;
- (চ) ভোট পরিচালনাকারী কর্মকর্তাগণকে ইভিএম এর ভোট সংক্রান্ত অন্য কোন বস্তু বা দলিলপত্র সমর্পণ করিতে বাধ্য করেন এবং এইরূপ কোন কাজ করেন যাহা সুশৃঙ্খলভাবে ভোট গ্রহণ বা ভোট গণনা বা নির্বাচন সংক্রান্ত দলিলপত্র প্রস্তুতকরণ প্রক্রিয়াকে ব্যাহত করে;
- (ছ) ভোট পরিচালনাকারী কর্মকর্তাগণকে বিভাড়িত করিয়া ইভিএম এবং অন্যান্য দলিলপত্র বলপূর্বক দখল করেন এবং তাহার ইচ্ছানুযায়ী উহা অসৎভাবে ব্যবহার করেন;
- (জ) কেবল তাহার সমর্থক বা তাহার প্রার্থীর সমর্থকগণকে ইভিএম এর মাধ্যমে ভোট প্রদানে সাহায্য করেন এবং অন্য সকলকে ভোট প্রদান করা হইতে বিরত রাখেন।

২২। ভোটের গোপনীয়তা রক্ষায় ব্যর্থতা, ইত্যাদির শাস্তি।—কোন রিটার্নিং অফিসার, সহকারী রিটার্নিং অফিসার, প্রিজাইডিং অফিসার, সহকারী প্রিজাইডিং অফিসার, বা পোলিং অফিসার বা ভোটকেন্দ্রে উপস্থিত কোন প্রার্থী, নির্বাচনি এজেন্ট বা পোলিং এজেন্ট বা ভোট গণনায় উপস্থিত কোন ব্যক্তি অনূন্য ৩(তিন) বৎসর কারাদণ্ড অথবা অনধিক ১০(দশ হাজার) টাকা অর্থদণ্ড বা উভয় দণ্ডে দণ্ডিত হইবেন, যদি তিনি—

- (ক) ইভিএম এর মাধ্যমে গৃহীত ভোটের গোপনীয়তা রক্ষা করিতে বা রক্ষা করিবার জন্য সহায়তা করিতে ব্যর্থ হন;
- (খ) কোন আইনানুগ উদ্দেশ্য ব্যতীত, ভোটগ্রহণ শেষ হইবার পূর্বে ইভিএম এর সিলমোহর সম্পর্কে কোন তথ্য কোন ব্যক্তিকে প্রদান করেন।

২৩। কোন ব্যক্তিকে ভোট প্রদানে প্ররোচিত, ইত্যাদি করিবার শাস্তি।—কোন রিটার্নিং অফিসার, সহকারী রিটার্নিং অফিসার, প্রিজাইডিং অফিসার, সহকারী প্রিজাইডিং অফিসার, পোলিং অফিসার বা নির্বাচন সংক্রান্ত দায়িত্ব পালনরত অন্য কোন কর্মকর্তা বা কর্মচারী বা আইন প্রয়োগকারী সংস্থার কোন সদস্য অনূ্যন ৩(তিন) বৎসর কারাদণ্ড অথবা অনধিক ১০(দশ হাজার) টাকা অর্থদণ্ড বা উভয় দণ্ডে দণ্ডিত হইবেন, যদি তিনি ইভিএম এর মাধ্যমে—

- (ক) কোন প্রার্থীর অনুকূলে তাহার ভোট প্রদানে প্ররোচিত করেন; বা
- (খ) কোন ব্যক্তিকে তাহার ভোট প্রদান করা হইতে নিবৃত্ত করেন; বা
- (গ) কোন ভাবে কোন ব্যক্তিকে ভোট প্রদানে প্রভাবিত করেন; বা
- (ঘ) নির্বাচনের ফলাফল প্রভাবিত করিবার উদ্দেশ্যে অন্য কোন কাজ করেন।

ফরম- 'ক'
[বিধি-৫(৩) দ্রষ্টব্য]

প্রিজাইডিং অফিসার কর্তৃক সহকারী প্রিজাইডিং অফিসারকে ইভিএম বুঝাইয়া দেওয়ার রেকর্ড

ইউনিয়ন নম্বর সাধারণ ওয়ার্ড উপজেলা/থানা

এই মর্মে প্রত্যয়ন করা যাইতেছে যে,

(ভোটকেন্দ্রের নম্বর ও নাম)

ভোটকেন্দ্রে ব্যবহারের নিমিত্তে নিম্নরূপে ইভিএমসমূহ বুঝাইয়া দেওয়া হইল :-

ক্রমিক নম্বর	ইভিএম নম্বর		ভোটকেন্দ্রের নম্বর	গ্রহণকারী সহকারী প্রিজাইডিং অফিসারের নাম ও স্বাক্ষর
	কন্ট্রোল ইউনিট	ব্যালিট ইউনিট		
১	২(ক)	২(খ)	৩	৪

স্থান

প্রিজাইডিং অফিসারের নাম, স্বাক্ষর ও সীল (যদি থাকে)

তারিখ

দিন

মাস

বৎসর

ফরম-‘খ’

[বিধি ৬ (৩) দ্রষ্টব্য]

ইভিএম এর কার্যকারিতা সম্পর্কিত সহকারী প্রিজাইডিং অফিসারের প্রত্যয়ন পত্র

ইউনিয়ন নম্বর সাধারণ ওয়ার্ড উপজেলা/থানা

এই মর্মে প্রত্যয়ন করা যাইতেছে যে,

(ভোটকেন্দ্রের নম্বর ও নাম)

ভোটকেন্দ্রের নম্বর ভোটকক্ষে সরবরাহকৃত ইভিএমটির কার্যকারিতা পরীক্ষা করিয়া সঠিক পাওয়া গিয়াছে। ইহাও প্রত্যয়ন করা যাইতেছে যে, মেশিনটিতে পূর্বে কোন ভোট প্রদান করা হয় নাই।

ক্রমিক নম্বর	পোলিং এজেন্টের নাম	পোলিং এজেন্টের স্বাক্ষর
১	২	৩

স্থান

সহকারী প্রিজাইডিং অফিসারের নাম, স্বাক্ষর ও সিল (যদি থাকে)

তারিখ :

দিন

মাস

বৎসর

ফরম-‘গ’

[বিধি ১৬(ক) দ্রষ্টব্য]

চেয়ারম্যান পদে ভোটকক্ষভিত্তিক ফলাফল বিবরণী

ইউনিয়নের নাম: সাধারণ ওয়ার্ড নম্বর : উপজেলা/থানা : ভোট কেন্দ্রের নম্বর ও নাম:

ক্রমিক নম্বর	প্রতিদ্বন্দ্বী প্রার্থীর নাম ও প্রতীক	ভোট কক্ষ নম্বর-১	ভোট কক্ষ নম্বর-২	ভোট কক্ষ নম্বর-৩	ভোট কক্ষ নম্বর-৪	ভোট কক্ষ নম্বর-৫	ভোট কক্ষ নম্বর-৬	ভোট কক্ষ নম্বর-৭	ভোট কক্ষ নম্বর-৮	ভোট কক্ষ নম্বর-৯	ভোট কক্ষ নম্বর-১০	মোট
	Blank ভোট											
	মোট :											

প্রিজাইডিং অফিসারের নাম,
স্বাক্ষর ও সিল (যদি থাকে)

ফরম-‘গ-১’

[বিধি ১৬(ক) দ্রষ্টব্য]

সংরক্ষিত আসনের সদস্য পদে ভোটকক্ষভিত্তিক ফলাফল বিবরণী

ইউনিয়নের নাম: সাধারণ ওয়ার্ড নম্বর : উপজেলা/থানা : ভোট কেন্দ্রের নম্বর ও নাম:

ক্রমিক নম্বর	প্রতিদ্বন্দ্বী প্রার্থীর নাম ও প্রতীক	ভোট কক্ষ নম্বর-১	ভোট কক্ষ নম্বর-২	ভোট কক্ষ নম্বর-৩	ভোট কক্ষ নম্বর-৪	ভোট কক্ষ নম্বর-৫	ভোট কক্ষ নম্বর-৬	ভোট কক্ষ নম্বর-৭	ভোট কক্ষ নম্বর-৮	ভোট কক্ষ নম্বর-৯	ভোট কক্ষ নম্বর-১০	মোট
	Blank ভোট											
	মোট :											

প্রিজাইডিং অফিসারের নাম,
স্বাক্ষর ও সিল (যদি থাকে)

ফরম-‘গ-২’

[বিধি ১৬(ক) দ্রষ্টব্য]

সাধারণ আসনের সদস্য পদে ভোটকক্ষভিত্তিক ফলাফল বিবরণী

ইউনিয়নের নাম: সাধারণ ওয়ার্ড নম্বর : উপজেলা/থানা : ভোট কেন্দ্রের নম্বর ও নাম:

ক্রমিক নম্বর	প্রতিদ্বন্দ্বী প্রার্থীর নাম ও প্রতীক	ভোট কক্ষ নম্বর-১	ভোট কক্ষ নম্বর-২	ভোট কক্ষ নম্বর-৩	ভোট কক্ষ নম্বর-৪	ভোট কক্ষ নম্বর-৫	ভোট কক্ষ নম্বর-৬	ভোট কক্ষ নম্বর-৭	ভোট কক্ষ নম্বর-৮	ভোট কক্ষ নম্বর-৯	ভোট কক্ষ নম্বর-১০	মোট
	Bkabb ভোট											
	মোট :											

প্রিজাইডিং অফিসারের নাম,
স্বাক্ষর ও সিল (যদি থাকে)

ফরম ঘ-১

[বিধি ১৬(ক) দ্রষ্টব্য]

সংরক্ষিত আসনের সদস্য পদে নির্বাচনে প্রতিদ্বন্দ্বী প্রার্থীগণের ভোট গণনার বিবরণী

 ইউনিয়ন নম্বর সংরক্ষিতওয়ার্ড উপজেলা/থানা
ভোটকেন্দ্রের নম্বর ও নাম মোট ভোটার সংখ্যা ভোটগ্রহণ আরম্ভ করার সময় ভোটগ্রহণ শেষ করার সময় ভোটগণনা আরম্ভ করার সময় ভোটগণনা শেষ করার সময়

ক্রমিক নম্বর	প্রতিদ্বন্দ্বী প্রার্থীগণের নাম	প্রতিদ্বন্দ্বী প্রার্থীগণের প্রতীক	বৈধ ভোটের সংখ্যা (অংকে ও কথায়)
১	২	৩	৪
মোট :			

(১) প্রতিদ্বন্দ্বী প্রার্থীগণ কর্তৃক প্রাপ্ত বৈধ ভোটের মোট সংখ্যা (২) Blank ভোটের সংখ্যা (৩) বৈধ ও Blank ভোটের মোট সংখ্যা (১+২ এর সমষ্টি) উপস্থিত ভোটার সংখ্যা অনুপস্থিত ভোটার সংখ্যা স্থান তারিখ : দিন মাস বৎসর প্রিজাইডিং অফিসারের স্বাক্ষর ও সিল

প্রতিদ্বন্দ্বী প্রার্থী/নির্বাচনি এজেন্ট/পোলিং এজেন্টদের নাম ও স্বাক্ষর

নাম	প্রতিদ্বন্দ্বী প্রার্থী/নির্বাচনি এজেন্ট/পোলিং এজেন্ট	পিন নম্বর	স্বাক্ষর

ফরম ঘ-২

[বিধি ১৬(ক) দ্রষ্টব্য]

সাধারণ আসনের সদস্য পদে নির্বাচনে প্রতিদ্বন্দ্বী প্রার্থীগণের ভোট গণনার বিবরণী

<input type="text"/>	ইউনিয়ন	<input type="text"/>	নম্বর সাধারণওয়ার্ড	<input type="text"/>	উপজেলা/থানা
----------------------	---------	----------------------	---------------------	----------------------	-------------

ভোটকেন্দ্রের নম্বর ও নাম মোট ভোটার সংখ্যা ভোটগ্রহণ আরম্ভ করার সময় ভোটগ্রহণ শেষ করার সময় ভোটগণনা আরম্ভ করার সময় ভোটগণনা শেষ করার সময়

ক্রমিক নম্বর	প্রতিদ্বন্দ্বী প্রার্থীগণের নাম	প্রতিদ্বন্দ্বী প্রার্থীগণের প্রতীক	বৈধ ভোটের সংখ্যা (অংকে ও কথায়)
১	২	৩	৪
মোট :			

(১) প্রতিদ্বন্দ্বী প্রার্থীগণ কর্তৃক প্রাপ্ত বৈধ ভোটের মোট সংখ্যা (২) Blank ভোটের সংখ্যা (৩) বৈধ ও Blank ভোটের মোট সংখ্যা (১+২ এর সমষ্টি) উপস্থিত ভোটার সংখ্যা অনুপস্থিত ভোটার সংখ্যা স্থান তারিখ : দিন মাস বৎসর প্রিজাইডিং অফিসারের স্বাক্ষর ও সিল

প্রতিদ্বন্দ্বী প্রার্থী/নির্বাচনি এজেন্ট/পোলিং এজেন্টদের নাম ও স্বাক্ষর

নাম	প্রতিদ্বন্দ্বী প্রার্থী/নির্বাচনি এজেন্ট/ পোলিং এজেন্ট	পিন নম্বর	স্বাক্ষর

ফরম-৬

[বিধি ১৭(ক) দ্রষ্টব্য]

ইউনিয়ন পরিষদের চেয়ারম্যান পদে নির্বাচনের জন্য প্রিজাইডিং অফিসার কর্তৃক
সরবরাহকৃত গণনার ফলাফলের একীভূত বিবরণী

জেলা উপজেলা/থানা

ক্রমিক নম্বর	ভোটকেন্দ্রের নম্বর ও নাম	মোট ভোটের সংখ্যা	প্রতিদ্বন্দ্বী প্রার্থীর অনুকূলে প্রদত্ত বৈধ ভোটের সংখ্যা						প্রত্যেকভোটকেন্দ্রের মোট ভোটের সংখ্যা			প্রদত্ত ভোটের শতকরা হার
			ক *	খ *	গ *	ঘ *	ঙ *	চ *	বৈধ	অবৈধ/ Blank অপ্রদত্ত ভোট (বাতিলকৃত)	মোট	
১	২	৩	৪(ক)	৪(খ)	৪(গ)	৪(ঘ)	৪(ঙ)	৪(চ)	৫	৬	৭	৮
সর্বমোট :												

এতদ্বারা ঘোষণা করা যাইতেছে যে, জনাব/বেগম

পিতা/স্বামী

ঠিকানা

স্থান

তারিখ : দিন মাস বৎসর

রিটার্নিং অফিসারের স্বাক্ষর ও সিল

প্রতিদ্বন্দ্বী প্রার্থী/নির্বাচনি এজেন্টের নাম ও স্বাক্ষর

প্রতিদ্বন্দ্বী প্রার্থী/ নির্বাচনি এজেন্টের নাম	নির্বাচনি প্রতীক	প্রতিদ্বন্দ্বী প্রার্থী/নির্বাচনি এজেন্টের স্বাক্ষর
---	------------------	---

* প্রার্থীর নাম ও প্রতীক

ফরম-৬-১
[বিধি ১৭(ক) দ্রষ্টব্য]

সংরক্ষিত আসনের সদস্য পদে নির্বাচনের জন্য প্রিজাইডিং অফিসার কর্তৃক সরবরাহকৃত গণনার ফলাফলের একীভূত বিবরণী

ইউনিয়ন নম্বর সংরক্ষিত ওয়ার্ড

জেলা উপজেলা/থানা

ক্রমিক নম্বর	ভোটকেন্দ্রের নম্বর ও নাম	মোট ভোটের সংখ্যা	প্রতিদ্বন্দ্বী প্রার্থীর অনুকূলে প্রদত্ত বৈধ ভোটের সংখ্যা						প্রত্যেক ভোটকেন্দ্রের মোট ভোটের সংখ্যা			প্রদত্ত ভোটের শতকরা হার
			ক *	খ *	গ *	ঘ *	ঙ *	চ *	বৈধ	অবৈধ/(Blank) অপ্রদত্ত ভোট (বাতিলকৃত)	মোট	
১	২	৩	৪(ক)	৪(খ)	৪(গ)	৪(ঘ)	৪(ঙ)	৪(চ)	৫	৬	৭	৮
সর্বমোট												

এতদ্বারা ঘোষণা করা যাইতেছে যে, জনাব/বেগম

পিতা/স্বামী

ঠিকানা

ইউনিয়নের নম্বর সংরক্ষিত ওয়ার্ডের সদস্য পদে যথাযথভাবে
নির্বাচিত হইয়াছেন

স্থান :

তারিখ : দিন মাস বৎসর

রিটার্নিং অফিসারের স্বাক্ষর ও সিল

প্রতিদ্বন্দ্বী প্রার্থী/নির্বাচনি এজেন্টের নাম ও স্বাক্ষর

প্রতিদ্বন্দ্বী প্রার্থী/নির্বাচনি এজেন্টের নাম	নির্বাচনি প্রতীক	প্রতিদ্বন্দ্বী প্রার্থী/নির্বাচনি এজেন্টের স্বাক্ষর
--	------------------	---

*প্রার্থীর নাম ও প্রতীক

ফরম-৬-২
[বিধি ১৭(ক) দ্রষ্টব্য]

সাধারণ আসনের সদস্য পদে নির্বাচনের জন্য প্রিজাইডিং অফিসার কর্তৃক সরবরাহকৃত গণনার ফলাফলের একীভূত বিবরণী

ইউনিয়ন নম্বর সাধারণ ওয়ার্ড

জেলা উপজেলা/থানা

ক্রমিক নম্বর	ভোটকেন্দ্রের নম্বর ও নাম	মোট ভোটের সংখ্যা	প্রতিদ্বন্দ্বী প্রার্থীর অনুকূলে প্রদত্ত বৈধভোটের সংখ্যা						প্রত্যেক ভোটকেন্দ্রের মোট ভোটের সংখ্যা			প্রদত্ত ভোটের শতকরা হার
			ক *	খ *	গ *	ঘ *	ঙ *	চ *	বৈধ	অবৈধ/(Blank) অপ্রদত্ত ভোট (বাতিলকৃত)	মোট	
১	২	৩	৪(ক)	৪(খ)	৪(গ)	৪(ঘ)	৪(ঙ)	৪(চ)	৫	৬	৭	৮
সর্বমোট												

এতদ্বারা ঘোষণা করা যাইতেছে যে, জনাব/বেগম

পিতা/স্বামী

ঠিকানা

ইউনিয়নের নম্বর সাধারণ ওয়ার্ডের সদস্য পদে যথাযথভাবে
নির্বাচিত হইয়াছেন

স্থান :

তারিখ : দিন মাস বৎসর

রিটার্নিং অফিসারের স্বাক্ষর ও সিল

প্রতিদ্বন্দ্বী প্রার্থী/নির্বাচনি এজেন্টের নাম ও স্বাক্ষর

প্রতিদ্বন্দ্বী প্রার্থী/নির্বাচনি এজেন্টের নাম	নির্বাচনি প্রতীক	প্রতিদ্বন্দ্বী প্রার্থী/নির্বাচনি এজেন্টের স্বাক্ষর
--	------------------	---

*প্রার্থীর নাম ও প্রতীক

নির্বাচন কমিশনের আদেশক্রমে

মোঃ সিরাজুল ইসলাম
সচিব।

মোঃ নজরুল ইসলাম (উপসচিব), উপপরিচালক, বাংলাদেশ সরকারি মুদ্রণালয়, তেজগাঁও, ঢাকা কর্তৃক মুদ্রিত।

মোঃ আলমগীর হোসেন (উপসচিব), উপপরিচালক, বাংলাদেশ ফরম ও প্রকাশনা অফিস,

তেজগাঁও, ঢাকা কর্তৃক প্রকাশিত। web site: www.bgpress.gov.bd